

Na osnovu člana 16. stav 4. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 87. sjednici, održanoj 10.02.2017. godine, d o n o s i

ZAKLJUČAK

I.

Daje se saglasnost na Sporazum o osnivanju Ekonomsko-socijalnog vijeća za područje Zeničko-dobojskog kantona, a koji se zaključuje između Vlade Zeničko-dobojskog kantona, Saveza samostalnih sindikata Bosne i Hercegovine - Kantonalni odbor Zeničko-dobojskog kantona i Udruženja poslodavaca Federacije BiH - Grupacija poslodavaca Zeničko-dobojskog kantona, koji je sastavni dio ovog Zaključka.

II.

Ovlašćuje se Miralem Galijašević, premijer Zeničko-dobojskog kantona, da u ime Vlade Zeničko-dobojskog kantona pristupi zaključenju i potpisivanju Sporazuma iz tačke I. ovog Zaključka.

III.

Za realizaciju ovog Zaključka zadužuje se Ministarstvo za rad, socijalnu politiku i izbjeglice i Ured premijera Zeničko-dobojskog kantona, svako u okviru svojih nadležnosti.

IV.

Sporazum o osnivanju Ekonomsko-socijalnog vijeća za područje Zeničko-dobojskog kantona stupit će na snagu danom potpisivanja od sve tri strane potpisnice Sporazuma i bit će objavljen u „Službenim novinama Zeničko-dobojskog kantona“.

V.

Zaključak stupa na snagu danom donošenja.

Broj: 02-_____/17.
Datum, 10.02.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Ured premijera Zeničko-dobojskog kantona,
1x Savez samostalnih sindikata Bosne i Hercegovine
-Kantonalni odbor ZDK (putem Ministarstva),
1x Udruženje poslodavaca FBiH-Grupacija poslodavaca ZDK (putem Ministarstva),
1x a/a.

Na osnovu člana 158. Zakona o radu („Službene novine Federacije Bosne i Hercegovine“, broj: 26/16), Vlada Zeničko-dobojskog kantona, Savez samostalnih sindikata Bosne i Hercegovine-Kantonalni odbor Zeničko-dobojskog kantona i Udruženje poslodavaca FBiH – Grupacija poslodavaca Zeničko-dobojskog kantona (u daljem tekstu: potpisnice Sporazuma), zaključuju:

S P O R A Z U M

o osnivanju Ekonomsko-socijalnog vijeća za područje Zeničko-dobojskog kantona

Član 1. **(Osnivanje)**

Ovim Sporazumom osniva se Ekonomsko-socijalno vijeće za područje Zeničko-dobojskog kantona (u daljem tekstu: Vijeće), te utvrđuju principi djelovanja Vijeća, nadležnost, sastav, način odlučivanja i druga pitanja značajna za rad Vijeća.

Član 2. **(Principi djelovanja)**

Vijeće svoje djelovanje zasniva na principima:

- vođenje ekonomsko-socijalnog dijaloga, kao sistema rješavanja odnosa između potpisnica Sporazuma, s ciljem postizanja ravnoteže između tržišne ekonomije i socijalne pravde,
- poštivanje nezavisnosti i autonomije potpisnica Sporazuma u njihovom radu i organizovanju i djelovanju,
- obezbjeđivanja slobodnog i blagovremenog pristupa informacijama i dokumentaciji značajnoj za pitanja o kojima odlučuje Vijeće,
- poštivanja i provođenja odluka i zaključaka Vijeća.

Član 3. **(Nadležnost Vijeća)**

Vijeće je nadležno za vođenje zajedničkih aktivnosti potpisnica Sporazuma u oblasti ekonomske, socijalne i razvojne politike, afirmacije i zaštite ekonomskih i socijalnih prava i interesa radnika i poslodavaca, razvijanje sistema kolektivnog pregovaranja, te u tom smislu Vijeće:

- prati, razmatra i ocjenjuje uticaj ekonomske i socijalne politike na cjelokupni razvoj i socijalnu stabilnost,
- razmatra i podstiče zaključivanje i ocjenjuje primjenu kolektivnih ugovora donesenih na nivou Federacije Bosne i Hercegovine i Zeničko-dobojskog kantona,
- podstiče mirno rješavanje kolektivnih radnih sporova,
- analizira uskladenost politike cijena i plaća,
- podstiče ideju tripartitnog, bipartitnog i drugih oblika ekonomsko-socijalnog dijaloga na svim nivoima u rješavanju ekonomskih i socijalnih pitanja,

- prati zakone, razmatra i predlaže eventualne promjene zakona na nivou Bosne i Hercegovine, Federacije Bosne i Hercegovine i Zeničko-dobojskog kantona u kontekstu položaja radnika i poslodavaca,
- razmatra nacрте propisa i drugih akata iz djelokruga svog rada i svoja mišljenje dostavlja nadležnim institucijama,
- prati primjenu propisa iz oblasti rada, zapošljavanja i socijalne sigurnosti i predlaže mjere nadležnim institucijama za potpunije ostvarivanje i unapređenje prava,
- analizira proces privatizacije i pokreće inicijativu prema nadležnim institucijama za eventualne izmjene zakonskih i podzakonskih akata s ciljem poboljšanja zaposlenosti,
- prati stanje na području zapošljavanja, penzijsko-invalidskog i zdravstvenog osiguranja u kontekstu smanjenja neformalnog tržišta radne snage.

Član 4.

(Sastav Vijeća)

Vijeće ima 12 članova, po 4 člana-predstavnika svake strane potpisnice Sporazuma.

Predsjednika Vijeća biraju strane potpisnice Sporazuma između sebe i rotira se svake godine.

Predstavnici socijalnih partnera (premijer Zeničko-dobojskog kantona, predsjednik Sindikata i predsjednik Grupacije poslodavaca) po funkciji su podpredsjednici Vijeća.

Svaki član ima zamjenika.

Član 5.

(Imenovanje i razrješenje članova Vijeća)

Svaka potpisnica Sporazuma svojim rješenjem imenuje odnosno razrješava svog predstavnika-člana, odnosno zamjenika člana Vijeća.

Rješenjem iz prethodnog stava utvrđuju se prava i obaveze članova odnosno zamjenika članova Vijeća, njihov mandat i druga pitanja od značaja za rad Vijeća.

Član 6.

(Kvorum)

Vijeće može punovažno raditi i odlučivati kada sjednici prusustvuje nadpolovična većina od ukupnog broja članova Vijeća, pri čemu mora biti zastupljen najmanje jedan predstavnik svake potpisnice Sporazuma.

Vijeće svoje odluke donosi konsenzusom.

Način rada, galasanja, vođenja sjednica i druga proceduralna i tehnička pitanja uredit će se Poslovníkom o radu Vijeća koji donosi Vijeće.

Član 7.

(Ovlaštenja predsjednika Vijeća)

Predsjednik Vijeća predstavlja Vijeće, saziva sjednice Vijeća, potpisuje odluke i druge akte koje donosi Vijeće i prati njihovu realizaciju, te vrši i druge poslove bitne za funkcionisanje Vijeća.

Član 8.

(Održavanje sjednica Vijeća)

Vijeće održava svoje redovne sjednice najmanje jedanput u 60 dana. Predsjednik Vijeća je obavezan sazvati sjednicu Vijeća na zahtjev člana Vijeća ili potpisnice Sporazuma.

Član 9.
(Učešće stručnjaka u radu Vijeća)

U radu Vijeća mogu učestvovati i stručnjaci iz različitih oblasti, kao stalni savjetnici, bez prava glasa.

Vijeće može za svoje potrebe posebno angažirati stručne institucije i organizacije, te eksperte za pojedine oblasti.

Član 10.
(Komisije)

Vijeće može osnovati komisije za pojedine oblasti iz svoje nadležnosti, a posebno za:

- politiku plaća i kolektivnih ugovora,
- porezni sistem, zapošljavanje i socijalnu politiku,
- privatizaciju,
- zakonodavstvo, provođenje propisa i ostvarivanje prava iz oblasti rada i zapošljavanja,
- javne djelatnosti,
- međukantonu, međuentitetsku i međunarodnu saradnju,
- politiku stranih ulaganja,
- podsticaj izvoza,
- standardizaciju,
- energetske politiku,
- transport i komunikacije.

Član 11.
(Imenovanje članova komisije)

Članove komisija imenuje Vijeće na način da svaki član Vijeća predlaže po dva člana komisije.

Odlukom o imenovanju komisije uređuje se djelokrug, način rada i druga pitanja od značaja za funkcionisanje komisije.

Član 12.
(Izvještaj o radu Komisija)

Mišljenje i prijedlozi komisije obavezno se prezentiraju Vijeću.

Komisije najmanje jednom godišnje podnose Vijeću izvještaj o radu.

Član 13.
(Uvjeti za rad Vijeća)

Stručne, organizacijske, tehničke i materijalne uvjete za rad Vijeća, obezbjeđuje i finansira njihove troškove Vlada Zeničko-dobojskog kantona, odnosno Ministarstvo za rad, socijalnu politiku i izbjeglice.

Stručni i administrativni poslovi iz djelokruga Vijeća obavljaju se u Ministarstvu za rad, socijalnu politiku i izbjeglice Zeničko-dobojskog kantona.

Član 14.
(Sjedište Vijeća)

Sjedište Vijeća je u Zenici, Ulica Kučukovići broj 2.

Član 15.

(Rješenja o imenovanju članova Vijeća)

Potpisnice Sporazuma se obavezuju da će u roku od petnaest dana donijeti rješenje iz člana 5. ovog Sporazuma.

Član 16.

(Stupanje na snagu)

Sporazum stupa na snagu danom potpisivanja od sve tri strane – potpisnice Sporazuma i objavit će se u „Službenim novinama Zeničko-dobojskog kantona“.

Zenica, _____

Broj: _____

Potpisnice Sporazuma:

Vlada Zeničko-dobojskog kantona

Premijer: Miralem Galijašević

Savez samostalnih sindikata Bosne i Hercegovine – Kantonalni odbor Zeničko-dobojskog kantona

Predsjednik: Mirnes Isaković

Udruženje poslodavaca FBiH – Grupacija poslodavaca Zeničko-dobojskog kantona

Predsjednik: Ibrahim Meškić